

ҚЎЛЛАШ БЎЙИЧА ЙЎРИҚНОМА

УРОЛЕСАН® (UROLESAN)

Перпаратни савдо номи: Уролесан® (Urolesan)

Таъсир этувчи моддаси (ХПН):

Дори шакли: сироп

Таркиби:

100 мл сироп қуйидагиларни саклайди:

фоал моддалар: оққарағай мойи – 0,419 г, қалампирмунчоқ мойи – 0,105 г, ёввойи сабзи меваларининг суюқ экстракти (Extractum fructum Dauci sativi fluidum) (1:1) (экстрагент 96% этанол) – 1,204 г, хмел сўталарининг суюқ экстракти (Extractum fructum Strobili lupuli fluidum) (1:1) (экстрагент 96% этанол) – 1,726 г, жамбил ўсимлигининг суюқ экстракти (Extractum herbae Origani fluidum) (1:1) (экстрагент 96% этанол) – 1,195 мг;

ёрдамчи моддалар: полисорбат-80; лимон кислотаси, моногидрат; сорбин кислотаси; кандли сироп; динатрий эдетати; тозаланган сув.

Таърифи: тўқ-сарғиш рангли, кўкимтир тусли, ўзига хос ҳидли суюқлик. Тусланиши мумкин.

Фармакотерапевтик гуруҳи: Урологияда қўлланадиган восита.

АТХ коди: G04BX.

Фармакологик хусусиятлари

Келиб чиқиши ўсимлик бўлган мажмуавий препарат. Уролесан® препаратини таркибига кирувчи моддалар сийдик чиқариш йўллари ва буйракларда яллиғланиш кўринишларини камайтиради, буйрак ва жигарда қон айланишини кучайишига ёрдам беради, диуретик, антибактериал, сафро ҳайдовчи таъсир кўрсатади, сийдикда коллоид ҳимоя ҳосил қилади ва юқори сийдик йўллари ва ўт пуфаги силлиқ мушакларининг тонусини нормаллаштиради.

Уролесан® мочевина ва хлоридлар чиқарилишини оширади, сийдик пуфаги ва буйракдан майда конкрементлар ва қумларни чиқарилишини осонлаштиради.

Фармакокинетикаси

Препарат яхши сўрилади, унинг таъсири 20-30 минутдан кейин бошланади ва 4-5 соат давом этади. Максимал самараси 1-2 соат ўтгач амалга ошади. Овқат ҳазм қилиш йўллари ва буйраклар орқали чиқарилади.

Қўлланилиши

Ўткир ва сурункали сийдик чиқариш йўллари ва буйрак инфекциялари (цистит и пиелонефритлар); сийдик-тош касаллиги ва сийдик кислотали диатез (конкрементларни олиб ташлагандан кейин уларни ҳосил бўлишини олдини олиш); сурункали холецистит (шу жумладан калькулёз), ўт йўллари дискинезияси, ўт-тош касаллигида қўлланади.

Қўллаш усули ва дозалари

Препарат ичга, овқатдан олдин қабул қилинади.

Катталар учун тавсия этиладиган дозалари: сироп 1 чой қошиқдан (5 мл) суткада 3 марта. Ўткир ҳолатларда (шу жумладан буйрак ва жигар санчикларида) даволаш курси давомийлиги 5 кундан 7 кунгача, сурункали ҳолатларда – 7 кундан 1 ойгача ташкил этади. Буйрак ва жигар санчиклари пайдо бўлганда бир марталик дозани 2 чой қошиқгача

бир марта ошириш мумкин (10 мл), кейин олдинги одатдаги бир марталик (5 мл) дозани қабул қилишларга қайтилади.

Болалар учун тавсия этиладиган дозалари: 2-7 ёш – 2-4 мл дан суткада 3 марта; 7-14 ёш – 4-5 мл дан суткада 3 марта. Дозалаш шприц-дозатор ёрдамида амалга оширилади.

Ножўя реакциялари

Одатда Уролесан® яхши ўзлаштирилади. Препаратни қабул қилганда:

- *овқат ҳазм қилиш йўллари томонидан:* диспептик кўринишлар (жумладан кўнгил айланиши, қусиш);
- *иммун тизими томонидан:* аллергия реакциялар, жумладан қичишишни ҳис қилиш, юзни қизариши, тери тошмаси, эшакеми, ангионевротик шиш (оғизда ачишиш ҳисси, нафасни қийинлашиши, юзни, тилни шишлари), анафилактик шок;
- *марказий ва периферик нерв тизими томонидан:* бош айланиши, умумий ҳолсизлик, бош оғриғи, атаксия, мушаклар тремори;
- *юрак-қон томир тизими томонидан:* артериал гипертензия, гипотензия, брадикардия кузатилиши мумкин.

Қўллаш мумкин бўлмаган ҳолатлар

- Препаратнинг компонентларига юқори сезувчанлик;
- гастрит, меъда ва ўн икки бармоқли ичакнинг яра касаллиги;
- анамнезида тиричиликлари бўлган болалар (фибрил ёки фибрилсиз)да қўллаш мумкин эмас.

Дориларнинг ўзаро таъсири

Ўрганилмаган.

Махсус кўрсатмалар

Агар конкрементларни ўлчами 3 мм дан юқори бўлса, препаратни қўллаш мумкин эмас. Қандли диабет, шунингдек қонда глюкозани тутилиши ошган пациентлар Уролесан® препаратини қўллаганда эҳтиёткор бўлишлари зарур (препарат таркибига қандли сироп киради). Бронхоспазм пайдо бўлиш хавфи туфайли бронхиал астмаси бўлган беморлар эҳтиёткорлик билан қабул қилсин.

Ҳомиладорлик ёки эмизиш даврида қўлланиши. Ҳомиладорлик ёки эмизиш даврида препаратни қўлланилиши ўрганилмаган.

Автотранспортни ёки бошқа механизмларни бошқаришда реакция тезлигига таъсир хусусияти. Ўрганилмаган.

Болалар. Препаратни 2 ёшгача бўлган болалар қабул қилмасин.

Препарат болалар ололмайдиган жойда сақлансин ва яроқлилик муддати ўтгач ишлатилмасин.

Дозани ошириб юборилиши

Доза ошириб юборилганда кўнгил айланиши, бош айланиши кузатилиши мумкин.

Даволаш: жуда кўп илиқ ичимлик, тинчлик, фоаллаштирилган кўмир, атропин сульфат (0,0005- 0,001 г) буюриш керак..

Чиқарилиш шакли

Сироп. 90 мл дан банкаларда ёки флаконларда ёки 180 мл дан флаконларда алюмин қопқоқ ёки қалпоқ билан тикинланган. Ҳар бир банка ёки флакон қўллаш бўйича йўриқномаси ва шприц-дозатор билан бирга қутида .

Сақлаш шароити

Оригинал ўрамда 25 °С дан юқори бўлмаган ҳароратда.

Очилганидан кейин 28 суткадан ортиқ бўлмаган муддатда 2 °С дан 8 °С гача бўлган ҳароратда сақлансин.

Истеъмол қилишдан олдин чайқатилсин.

Яроқлилик муддати

2 йил

Дорихоналардан бериш тартиби

Рецептсиз.

Ишлаб чиқарувчининг номи ва манзили

«Галичфарм» ЖАЖ, Украина, 79024, Львов ш., Опришковская кўчаси, 6/8.

Ўзбекистон Республикаси ҳудудида дори воситаларининг сифати бўйича эътирозлар (таклифлар) ни қабул қилувчи ташкилот номи ва манзили:

Ўзбекистон Республикасида “Артериум” Корпорациясини ваколатхонаси, Ташкент ш., 100000, Мустакиллик кўчаси, 59-уй.

тел.: +99871 237 51 53

факс: +99871 237 51 54

e-mail: *Tashkent@arterium.ua*